

Si quid ego^a superflue in his meis litterulis dictarem^b, tua sancta patientia 797
benigne, obsecro, suscipiat; nec mihi scribenti inputet^c, sed tibi iubenti iniungat. Nec
ego praesumptiosa^d temeritate egi, sed humili oboedientia^e; considerans, quid multis
proficere potuisset, sive culpa esset^f sive non esset^f in fuga. Tamen, quantum mea
5 devotio considerare potuit, melius est ea facere, quae suadeo, quam omittere^g. Omnino
affectuosa caritate ammoneo, ut instanter praedices verbum Dei — hoc est officium
tuum, haec merces tua, hic fructus operis, haec sacerdotii^h dignitas laus et honor —
quatenus multiplici laboris fructu in conspectu domini Dei sui appareat et dignus
efficiaturⁱ desiderabilem audire vocem: 'Euge serve bone et fidelis, quia super pauca Matth. 25, 21.
10 fuisti fidelis, supra multa te constituam; intra in gaudium domini Dei tui'.

Omnipotens Deus paternitatem vestram ad exaltationem sanctae suae ecclesiae
in omni opere perfecto multipliciter florere faciat, sanctissime pater.

129.

*Alcvinus Cantuarienses cohortatur, ut Aethelhardum archiepiscopum revocent eiusque
consilio perturbatum regni statum reficiant.* 797.

15 *Codd. H fol. 66—67, S 1 fol. 200—202'.*

Edd. F 59, Haddan and Stubbs Councils III, 509—511, J 86. — Migne col. 249.

NOBILISSIME GENTI ET POPULO LAUDABILI ET REGNO IMPERIALI CANTUARIORUM^a
HUMILIS LEVITA ALCHVINUS^b SALUTEM.

Vestri decoris et vestrae salutis valde cupidus, has paucas litterulas^c ob nimiam
20 vestrae prosperitatis dilectionem in commune vobis dirigere curavi. Vos vero prin-
cipium salutis Anglorum, initium prosperitatis, portus intrantium, triumphus laus,
sapientiae origo; et a vobis imperii^d potestas prima processit et fidei catholicae origo
exorta est. Apud vos clarissima lumina Britanniae^e requiescunt, per quos lux veritatis
per totam Britanniam emicuit. In^f vobis utrumque et philosophicae disciplinae decus
25 emicuit et sacrae religionis claritas effulsit. In vobis vero fuerunt simul et religiosi
doctores ecclesiasticae fidei et sapientissimi principes^g regalis dignitatis, et viri fortis-
simi in bello et iustissimi in iudiciis; morum nobilitate conspicui, consiliis providi,
pietate laudabiles, facie honorabiles, vultu venerabiles et omni dignitate clarissimi.
Haec^h vos, viri sapientissimi, in quibus modo Cantiae decus consistit, diligenter con-
30 siderate, et longas successiones nobilissimorum parentum vestrorum imitare studeminiⁱ.

Primo omnium, qui in ecclesia Christi Deo deserviant, discant diligenter, quomodo
Deo placeant, quomodo fidem catholicam, quam primum doctores nostri in eis funda-
verunt, obtinere firmiter et praedicare valeant. Quia ignorantia scripturarum ignorantia
Dei est; et si caecus caecum ducit, cadunt ambo in foveam; et econtra multitudo<sup>Matth. 15, 14.
Sap. 6, 26.</sup>
35 sapientium salus est populi. Adducite vobis doctores et magistros sanctae scripturae,
ne sit apud vos inopia verbi Dei, aut vobis desint^k qui populum Dei regere valeant;
ne fons veritatis in vobis exsiccetur^l. Nolite vos contra consuetudinem ecclesiasticam
vestimentorum vanitate ornare², sed moribus vos ostendite nobiles et ornatos, et

^a) ergo H, T*. ^b) dictaverim A 1*. ^c) inputet T*, A 1*. ^d) praesumptuosa A 1*.

40 ^e) oboedientie A 1*. ^f) fuisset A 1*. ^g) amittere A 2, T*. ^h) sacerdotis A 2; sacerdotum A 1*.

ⁱ) corr. in tui appareas e. d. efficiaris A 1*.

129. ^a) Cantuariorum S 1. ^b) Alchuiñ H; Alch S 1. ^c) litterolas S 1. ^d) imperi S 1.

^e) corr. in Brittanicae H; Britannia S 1. ^f) In — emicuit om. H. ^g) principis S 1. ^h) Hae H, S 1.

ⁱ) studimini S 1. ^k) desit S 1. ^l) exsietur H.

45 1) Cf. supra p. 150 lin. 33. 2) Cf. supra p. 191.